

УДАРНИК

УАССР-ысь ВКП(б) лэн М-Пургинской райкомезлэн но трудящейёслэн депутат'ёссылэн районной Советсылэн органы
—(Адрес: с. М-Пурга УАССР)—

Агитационно-массовой ужеэ выль удысэ

Тулсы кизёнэз азинлыко ортчтыны бадзым инты басыгэ политической агитация. Агитацилэн шор сюлмавыз луыны кулэ сталинской урожай басытон понна нюр'яськон.

Берло ар'ёсы асьмелэн социалистической сельской хозяйствомы басытэз ноку адзылмтэ азинскон'ёсты. Насыкыт вёлмиз стахановской но ефремовской движениос. Быдэстэмын Сталин эшлэн арлы быдэ 7 миллиард пуд ю нянь басытон сырысь указаниез. Озы ке но та азинскем'ёс уг быгато на удовлетворить карыны жог будысь социалистической строительстволэсь кулэськон'ёссы. Соин ик партилен 18 с'ездэз кутыз решение: "Тысё культураос'я обеспечить кароно куиньметй пятилеткалэн пумозаз арлы быдэ 8 миллиард пуд ю-тысь октоиз, 13 центнер шорлыдо удалтонэз басытыса".

Та исторической решениез азинлыко быдэстон понна асьме сельской хозяйствомылэн луонлык'ёсыз вань. Но выль урожай ас эрказ уг лыкты, со понна кужмо ужано. Удавтонык лэн зечлыкёз нырысь ик потоз дыраз но зеч качество кизёнэз ортчытон бордысь. Соин ик сельской партийной организациослы уно ужано со бордын, чтобы по-большевистски ортчтыны кизёнэз, ваньзэ агротехнической правилосты уж вылын быдэстыса.

Асьме районсытмы колхоз'ёс массовой ю кизён борды куткызы. Та важнейшой государственной ужеэ—тулыс ю кизёнэз дырызлэсь азыло но выль качество орчытонлэн гормонэз луоз со бордын, если колхозник'ёс но колхозницаос пблын выль удысын луоз пунктэмын культурно-массовой но политико-воспитательной уж.

Партийной, комсомольской но мукет организациослэн задачазы луэ со бордын, чтобы котькуд колхозын, бригадасын, звеноосын мед луозы агитатор'ёс, беседчик'ёс, куд'ёсыз мед валэктозы колхозник'ёсды но колхозницаослы партилэсь но правительстволэсь решениоссы, мед валэктозы международной положениез, мед возматозы ефремовской звеноослэсь ужан опытсэс, сельской хозяйствомы азымынсьёслэсь опытсэс.

Агитационно-массовой ужеэ узыр опытсэс уже кутано, куд'ёсыз шедьтэмын вал властлэн верхов-

ной но местной орган'ёсаз бырыны избирательной кампания дыр'я, насыкытано колхоз'ёсын агитатор'ёслэсь кадрэс но нуналмысь кивалтоно соослэн деятельностьсы.

Куд-ог колхоз'ёсын агитационно-массовой уж урод пунктэмы. Тани Пытцамской сельсоветысь "Заря" колхозын ныкыче валэктон уж уг нуиськы. Колхозник'ёс но колхозницаос уг тоде партилэсь но правительстволэсь решениоссы. Бусы уже вис'ямын овёл агитатор'ёс.

Агитационно-массовой уж умой пунктэмын "Янгалиф" колхозын. Соин ик та колхозын ю кизён но азинлыко ортче. Урод уг ужа Старо-Моньинской сельсоветысь агитколлектив.

Агитация луыны кулэ предметной, хозяйственной задачаосын герзамын. Агитация ужын уже кутано вань устной но письменной формаосты. Агитаторлэн кыл'ёсыз валамонэсь, убедительной луыны кулэ. Агитация мед юрттоз ужлэсь производительностьсэ жутыны.

Агитационно-массовой ужын бадзым инты басыто избачитальняос, красной уголок'ёс но колхозной клуб'ёс. Соин ик партийной организациос нимысьтыз саклык вис'яно луо та учреждениослэсь ужзэс кужмоятонлы, ужас'ёссыс юнматонлы но дышетонлы.

Устной но письменной агитациез вёлмытоно колхоз'ёслэн вань общественной улоназы. Агитация вамен колхозник'ёсты мобилизовать кароно сельхозартельлэсь уставзэ шонер быдэстонэ, сталинской урожай басытон но государственной заданиосты дыраз быдэстон понна кужмо нюр'яськонэ.

Агитатор'ёслэн задачазы али луэ СССР-лэн Верховной Советэзлэн Куатетй Сессиевыз кутэм закон'ёсты но СССР-лэн СНК-езлэсь но ВКП(б) ЦК-лэсь та нунал'ёсы газет'ёсы потэм решениоссыс трудящей массаослы нуналмысь валэктон.

Агитационно-массовой ужеэ умой пунктэно. Первичной партийной но комсомольской организациослы та ужен нимысьтыз кивалтоно.

Агитационно-массовой уж пунктэмын луыны кулэ тулыс ю кизёнэз дырызлэсь азыло но выль зечлыко ортчтыны понна, выль сталинской урожай басытон понна.



Советской Союзлэн герсез батальонной комиссар Александр Николаевич Костылев.

Агитатор'ёс бусыын

Ст. Монья. (Асьме кор). "Красная бобья" колхозысь куинь мурт агитатор'ёс вискарятэк котькуд нуналэ ю кизёнын ужас'ёс колхозник'ёс но колхозницаос пблын выль газет'ёс лыдзыло.

Агитатор'ёс колхозник'ёсты но колхозницаосты партилен но правительстволэн решениосыныз тодматскыто.

Ст. Кузнецов.

Нырысетй майлы дасясько

Аксакшурской сельсоветысь "Удмурт коммуна" колхозысь драматической кружок умой ужа.

Егит'ёсын кылдытэм драмкружок колхозник'ёслы трос пбртэм спектакль но концертной номер'ёс возмат'яз ни. Драмкружок обслуживать карематысь колхоз'ёсты.

Нырысь майлы татысь драмкружок И. Гавриловлэсь "Ольга" нимо пьесаэс возматаны дася.

Г. В. Ботинов.

М-Пурга райцентрысь егит'ёс Н. Маштаковлэн кивалтэм улэз нырысь майлы трос пбртэм кырзан'ёс но концертной номер'ёс дасяло.

Нырысь май нунал'ёсы райцентрысь егит'ёс спектакль но концерт возматозы.

Ильинской сельсоветысь "Безбожник" колхозысь драматической кружок нырысь май азэлы концерт но спектакль дася.

Тракторной бригадаын

Гожнинской МТС-лэн 4 №-ро тракторной бригадэз М-Пургинской сельсоветысь "1-й май" но "Дружный" колхоз'ёсын ужа.

Та тракторной бригадаын ужас'ёс Мельникова Зоя но Захаров Павел гыронын 4,20 га интые 5-6 га гырыло, нош тракторист Матвеев Андрей гырон нормазэ 150 процентозь быдэс'я. Тракторист В. Яковлев гыронын нормазэ быдэс'я ке но солэн гырем качествоз урод, 6 гектар муз'ем вылэ 10-13 сангиметр мурдалаен гинэ гырыз.

Синмаськымон ужа трактористка Екатерина Титова, со трактористкаын нырысетй арзэ гинэ ужа, озы ке но солэн гырем качествоз

умой, гырыны сётэм нормазэ быдэс'я, трактористкаын ужаны яратэ, со жоген пормаме мултэсэн быдэс'яло шуэ.

Тракторной бригадалэн бригадирез М. Петров но Я. Баграшев умой ужало "1-й май" колхозын 4 нунал Чоже та тракторной бригада 84 гектар но "Дружный" колхозын 21 гектар гырыз.

Тракторист А. Коровин урод ужа, солэн тракторез умой ремонтировать карымтэ. Тракторист Е. И. Ушаков нормазэ уг быдэс'я, тракторезлы урод относиться кариське. 22 апреле жыт гырон интые дырэз, велосипедэн вортгылыса ортчытэ, нош трактор юнме ужатэк сылз.

Г. Иванов.

Азымынсьёслэн лыззы будэ

М-Пургинской сельсоветысь "Янгалиф" колхоз ю кизёнэз агротехнической правилоос'я ортчытэ. Та колхоз 40 гектарлэсь трос кизиз ни.

Бусыын весь будо азымынсьёслэн лыззы. 9 рядо сеялкаен кизис'ёс Хазиахмет Гадыршин, Магасум Сидтиков, С. Минагулов но В. Гадыршин эш'ёс

нормазэс мултэсэн быдэс'яло. Гырон бордын ужас'ёс Рафиков Габдулла 1,30 га интые 1,60 дорожь быдэс'я. Умой ужа усыян бордын ужас'ёс Г. Сиразов эш, со усыянын нормазэ 120 процентозь быдэс'я. Колхозын нуналысь-нуналэ умой ужас'ёс будо.

Минагулов.

"1-й май" колхозысь азымынсьёс

Мало-Пургинской сельсоветысь "1-й май" колхозысь колхозник'ёс но колхозницаос ю кизёнэз дыраз ортчытон понна сюлмысь ужало.

Тани одыг корпусо плуген гырысьёс Матвеева Ольга но Перфилова Анна нормазэ 0,7 га интые 1,20 га быдэс'яло. Кык корпусо плуген гы-

рысьёс Т. Трофимова но Е. Семенова нормазэс мултэсэн быдэс'яло.

Усыясьёс Савинова А., Никандрова А. нормазэс 170 процентозь но зиг-заген усыясьёс Иванов Николай, Перфилов Николай нормазэс 200 процентозь быдэс'яло.

Г. М. Иванов.

Умой ужало

Ю кизён кутскем бере нырысь нунал'ёсы ик Гожнинской сельсоветысь "Дружба народов" колхозын умой ужас'ёс будызы.

Колхозник'ёс Д. Басов но П. Овчинников гыронын нормазэс ятырен быдэс'яло.

Муз'емез культивировать каронын ужас'ёс М. Шевелев 3 гектар интые 4,60 гектар культивировать карылы. Со азыланьын нормаме еще но трослы быдэс'яло шуэ.

С. Ожмегов.

Агитбригада колхоз'ёсын

ВЛКСМ-лэн М-Пургинской райкоменыз ю кизён дыр'я колхозник'ёсты культурно обслуживать карыны организовать карем агитбригада 22 апреле колхоз'ёсы потыз. Агитбригада Ст-Моньинской сельсоветысь колхоз'ёсты обслуживать кариз ни. Али Пытцамской сельсоветысь колхоз'ёсын.

Агитбригада колхозник'ёс но колхозницаос пблын валэктон уж нуэ. Тодмат-

кытэ партилен но правительстволэн решениосынызы, СССР-лэн Верховной Советэзлэн VI-тй сессиезлэн материал'ёсыныз, Молотов эшлэн правительстволэн внешней политикаез сырысь докладэныз. Колхоз'ёсын агитбригада борд газет потылэ, жыт'ёсы концерт возмат'я. Колхозник'ёсды но колхозницаослы агитбригадалэн концертын выступать каремез яра.

Партийной улон

**Агитколлектив
умой ужа**

Хасан озеро дорыс бой-ёсын участник орденосец Алексей Логинович Логинов Бугульма городыс МТМ-ын слесарь луыса ужа (Татарской АССР). Логинов эш „ВКП(б)-лэн историез-лэс Краткой курсэ“ изучать карыса быдтйз.



Алексей Логинович Логинов.

Старо-Моньинской сельсоветыс агитколлектив, аслэстыз ужэ та берло дыре чутрак умоятйз. Сельсоветыс 21 мурт агитатор'ёсын семинар ортчытэмын.

Колхоз'ёсын 5 номер общеколхозной но 2 номер бригадной бордгазет'ёс потылэмын.

ВКП(б) ЦК-лэн но СССР-лэн Совнаркомезлэн „сельскохозяйственной продукт'ёсты дасян но басытон политикаын воштйськон'ёс“ сярсы постановлением „Красная бобья“, „Горд пельга“, „9 января“, „Красный октябрь“ но „Красная заря“ колхоз'ёсын шаралыдзон ортчыт'ямын. Татын ваньмыз 329 мурт охватить каремын. Та темаен ик „Быстрово“, „Горд пельга“ но „9-е января“ колхоз'ёсын беседа ортчыт'ямын, кудаз вал 83 мурт.

В. И. Ленинлэн вордскем нуналысеныз 70 ар тырмон сярсы но озы ик ВКП(б) ЦК-лэн но СССР-лэн Совнаркомезлэн „сельхозпродукт'ёсты дасян но басытон политикаын воштйськон'ёс“ сярсы темаосын ваньмаз колхоз'ёсын общеколхозной но бригадной собраниосын доклад'ёс лэстылэмын, татын ваньмыз 339 мурт охватить каремын.

Партилэс но правительстволэс та постановлением „Красная бобья“, „9-е января“, „Красная заря“, „Восход“ но „Красный октябрь“ колхоз'ёсыс колхозник'ёс но колхозницаос приветствовать карызы но ю кизёнэз нырыс май азелы быдтыны обязательствоос бастйзы.

Кызы ар талэс азыло—28 апреле 1920 арын—кулиз великой русской ученой Климент Аркадьевич Тимирязев.



К. А. Тимирязев.

Кбня ке минут гинэ кулэмезлэс азыло великой ученой Климент Аркадьевич Тимирязев шуиз: „Большевик'ёс, куд'ёсыз нуо ленинизме,—мон окиско но оскемын,—калыклен шудэз понна ужало но сое шудо улонэ вуттозы...“

К. А. Тимирязевлэн образэз русской ученой лэс-революционерлэс умоес чертаосэ воплощать каре. Тимирязев биологийн Дарвин бере бадзымес открытиос лэстыз, организм'ёс-

лы улыны понна физической но химической закономерностьлэс значенизэ возматйз, установить кариз, кызы югыт действовать каре будос'ёслэн куар'ёсазы луис явлениослы. Тимирязев люкыны луонтэм герзаллэз наукаез практикаен. Кылем столетилэн 60-тй ар'ёсаз ик Д. И. Менделеевлэн кивалтэм улсаз со опытной бусьос организовать карон уж борды кутскиз. Со котьку вдохновлять карылиз урожайностез жутон понна нюр'ясыконэ. Климент Аркадьевич азымынш наукалэн, выль естествознанилэн идеялэн жадёнэз валастэм но яркыт популяризатореныз вал. Студенческой скамьясын со луиз Дарвинлэн ученизлэн пламенной пропагандистэныз. Соны принадлежать каро мировой литературыс Дарвин сярсы, растениослэн улонзы сярсы но мукет умоес научно-популярной произведениос. Тимирязевлэн берпум уженыз вал 1904 арысен 1919 арозь солэн гож'ям статьяосызлэн „Наука но демократия“ сборникез.

В. И. Ленин Тимирязевлэс та сборникэс бастэм безаз таце письмоен ответ сётйз:

Тйлад книгады понна тйледлы бадзым тау но уноес кыл'ёс. Буржуазилы пумит но советской власть понна Тйлэстыд замечанидэс лыдзсыс, мон быдэсак шумпотонэн пачылмемын вал“.

Комсомолец'ёслы юрттйсь өвёл

Старо-Моньинской сельсоветыс „9-е января“ колхозыс 10 мурт комсомолец'ёс асьсэлэс политической тодонлыкэс бюджетон понна уг сюлмасыко. Соос „ВКП(б)-лэн историезлэс Краткой курсэ“ изучать карон борды өз на кутскыла.

Партилэн историезлэс Краткой курсэ изучать карыны юрттыны интыс первичной парти'ной организации косэмын, ноштатыс парторганизацилэн секретарез Максимов та ужен уг кивалты, „ВКП(б)-лэн историезлэс Краткой курсэ“ самостоятельно

изучать карисьёслы, нимыстыз ик комсомолец'ёслы, первичной парторганизация ласын но кыче юрттэт уг сётйськы. Нимаз комсомолец'ёсын но кыче беседа уг луылы.

С. Кузнецов.

Единой удмуртской правописание понна

Социалистической культуралэн куляськон'ёсыз удмурт кылын гож'яско-нэз азыланьын умонтон ужпумез куро. Удмурт орфографиез тупат'ян'я ужез ортчытон понна Удмуртской АССР-лэн Верховной Советэзлэн Президиумезлэн 1940 арын 10 мартэ решениз'я комиссия кылдытэмын но со азын сылйсь уж'ёс решениын пыр-поч возматэмын. Комиссилэн ужез уг луы правописанилэс основаосэ выльыс учкон но удмурт орфографилэс системазэ воштон бордын, а луэ куд-ог тупат'ян'ёсты ватсан бордын. Со кулэ луэ гож'ясконлэн практикаын. Правописаниез выльдон ужпум'ёс асьме азын уг сыло, со кулэ но өвёл, малы ке шуоно, удмурт орфография аслаз основаез'я гож'ясконлэн устойчивой системаез луэ ни, со гож'яскон практикаын бадзымес шуг-секыт'ёсты уг кылдыт'я.

Кыче ватсан'ёсты пыртно луэ правописанилэн существовать карись правилоосызлэн текстазы?

Котымалэс азыло разрешить карыны кулэ гож'ясконлэс куд-ог спорной интыосэ. Кылсырыс, трос

лыдын существительнойёслэс винительной падежын гожтон формаосэс, одйг лыдын юан мар-ма местоимение гожтонэз ж, в, ч букваосын кыл'ёсты гожтонэз но мукет'ёсэс.

Правописанилэн таце учыр'ёсты гожтон сярсы правилоосаз тырмытэ интыосты кемалэс дырысен тупат'янэз кулэ каро и сое жегатскытэк быдэсак тупатыны кулэ.

Орфографилэн существовать карись правилоосызлэн куд-ог раздел'ёсыз гуждыт возматэмын. Удмурт кылын гож'яскыку чем пумиськылысь кыл'ёсты, локет'ёсты гожтон сярсы валэктон'ёс сётйтэк кельтэмын. Кылсырыс, „Сложной кыл'ёсты шонер гожтон“ разделын данак категориосты, кыл'ёсты, кыл'ёслэс группазэс гожтон сярсы правилоос өвёл. Татын өвёл валэктэмын удмурт кылэ пырем зуч но иностранной сложной кыл'ёсты гожтон.

Озы ик куд-ог тупат'янэз кулэ каро гласнойёслэс основаосэс гласной окончаниосын герзаса гожтон сярсы правилоос но.

Правописанилэн ваньмыз та разрешить карымтэ ин-

тыосыз кыл'ёсты, категориосты но кыл'ёслэс группозэс гожтон понна троспумо неустойчивой условности кылдыто. Комиссилэн задачаез луэ правописанилэс правилоосэ куд-ог детальёсын ватсаса но бюджетыса разработать карон но удмурт кылын гож'яскон практикаын кылдысь вань основной элемент'ёсты гожтонлы единой нормаос тупатон.

Со сяна орфографилэс правилоосэ узырытыны кулэ кыл'ёсы прописной но строчной букваосты гожтон сярсы но перенос'ёс сярсы раздел'ёсын. Асьме азын сылйсь ужпум'ёсты решить карон дыр'я со бордысен кутсконо, ма кулэ каре улон, ма вера гож'ясконлэн практикаез.

Та ужын зэмос азинскон'ёсты бастыны луоз исследовательской ужез массово обсуждать каронэн герзаса, правописанилэс существовать карись текстэс но озы ик ватсан'ёслэс но бюджетон'ёслэс выльыс разработать карем материал'ёсэс эскерсыс. Та ответственной ужрад'ёсты быдэстонын, кудйз бадзым политической значение

бастэ, паськыт массаослэн участвовать каремзы кулэ.

Массовой школаосыс дышетйсьёс, партийной но комсомольской работник'ёс, писательёс, педагогической учебной заведениослэн преподавательёсыс но студент'ёсыс, газет бордын ужасьёс но корреспондент'ёс, народной образованилэн системаз ужасьёс но асьме общественностьлэн мукет культурной кужым'ёсыз удмурт калыклэс гож'ясконэз тупатон ужын асьсэлэн пыр-поч замечаниосынызы, совет'ёсынызы но чектон'ёсынызы орфографической комиссилы бадзым юрттэт сётозы шуыса оскон луэ.

Удмуртской АССР-лэн Верховной Советэзлэн Президиуменыз кылдытэм комиссилэн ужез пырыны кулэ единой Удмуртской орфографилэн корректировать карем правилоосызлэн проектаз.

Тр задачаез азинлыко быдэстон культурной строительстволэн удысаз асьмелэн бадзым вормон'ёсынымы луысал.

П. Перевощинов.

Районамы 25 апрель азелы тулыс ю кизёнлэн мынэмез сярсыс СВОДКА (Процентэн вераса)

СЕЛЬСО-ВЕТ'ЕС	Зерно-бой кизэмын	Инты бастэм МЗ
М-Пурга	25,5	3
Кечур	28,7	2
Гожня	22,6	4
Пытцам	16,7	7
Ильинск	17,5	5
Ст-Монья	36,3	1
Ср-Кечево	1,5	9
Аксакшур	3,7	10
Бураново	17,2	6
П-Можга	11,7	8

ВАНЬМЫЗ 17,9

Соловьев вунэтэм

„Юж-Пурга“ колхозлэн председателез В. И. Соловьев ю кизён дыр'я 4 нунал юыса улэ ни. Колхозын кивалтйсь өвёл. Соловьев вунэтэм, что со ВКП(б) райкомлэн пленумезлэн членэз, районной советлэн депутатэз но райсоветлэн исполкомезлэн членэз.

Курыськом ВКП(б)-лэн райкомезлэс но райсоветлэс Соловьевлы ужрад кутыны. **Колхозник'ёс.**

Редактор Г. М. ИВАНОВ.